

焦

書

焦書自序

僕最疎放不喜與時所仰惟日與詩
史相對每慨讀古人書歌然長歌徹
夜不休所撰著名焦書焦者何桐也
取焦琰之義僕曾奏記揭君緝座
師亦此意雖然柳柳州云使親見楊

子雲誰肯傳其書況僕孟浪著書遠
慚昔人雖自以為桐又安必後人之
禁之耶

崇禎壬午冬日紀許國石青識

焦書目次

閩同安紀許國石青著

卷一 十七首

至治

問道

在島中

河掉

辟邪

卷一 目次

聽雨

洞庭

館

書籍

辨

幽尋

同異

山

荷蓀

養生篇

樵

耕野

焦書目次

卷二 十六首

鴻

棲隱

白也

淳

時

○感遇一章

感遇二章

樹人

○才

深慮一

深慮二

脩政

可畏

邊

鳳凰麒麟

察幾

焦書卷一

至治

唐姚之風先民可得而聞已縹然而秋雲悠然而冷
風蕩然而流水流水赴壑石不疑虫穴漾焉千里一
曲之河漾焉故不至於壅閉湫伏若夫循蜚也因提
也世次遂渺安知其極蜀山有蠶叢與魚鳧爲君混
濛氏爲居而谷飲盼其東戶竹林茂鬱則翺翺而棲

之及游神既靈弇州鴻飛足足歌且舞噲豈復須刺
刺耳語歎菁華之竭者乎遐思其時百物咸淳澹若
無聲閭里村落惟見二三老少抱頸以嬉可謂甚盛
是以渾渾嚙嚙隣精引度雲師爲紀各有其式昔人
云天氣藏聖人以防邪正禮天氣動聖人以通道量
能聖人者天之牧也思恃焉條條秩秩爲天地守氣
是氣所磅礴雖四海九州十藪千七百一川以至名
山大野窮崖絕壁荒烟野蔓寒林怪塚飛磷走螢之

屬皆得而治之是故妖鳥猛獸各以治萍翳飛廉各以治撓搶挈貳各以治夷狄寇攘各以治于是剝土地而井牧其田野辨其斜直凹凸蟬螺燥濕以爲是入所治於天之器也噐生道道生理理生數數起于一二執此一二爲天地母斯能發其光以善其法而然後民得其利百年民畏其神百年民用其教又百年楊子曰吾見玄駒之步雉之震雖而知化之不可以已也惟虫能化惟風能虫且所謂聖人者豈必舉

草木扶龍蛇鞭逐光景跚天據地哉不過因其理數
潛以人力稍稍疏通之及夫上隣河漢下浹冥凌林
洞颺蠻鄉風而來而聖人自視皆嗒然以爲天地之
自如是一如其着衣喫飯而非有奇怪非人所意者
也且聖人之治也必有師黃帝學太真顯頊學綠圖
帝嚳學赤松堯學尹壽舜學務成跗文王學鉸時子
思故其道赫乎若觀日洞乎若炤漆如燁于雪濯濯
不惑若乃三皇之苗裔爰有三王風斯變矣乃有誕

者曰儂笑唐姚也何爲獨自愁苦嗟乎聖人者天之
牧也故不爲身患而憂世不妄脫時無聖人則日月
安繫河山安屬卽任彼蚩蚩者自爲之路葉而行披
草而走至于人跡杳絕四顧寂寥惟見荒榛之莽莽
危哉危哉

問道

齧缺問道于被衣言未卒齧缺睡寐被衣行歌而去
之兩人心眼淡淡分非蠢僕可議蠢僕波波吒吒如
趨濤浪與天地爲讐又厥塚累累曾不若岱山鋤父
也者我觀二氣連聚綿絡堅乎礫乎澹澹而相粥無
煩也無熱也渥泊同狀清微最上孚之若卵汁中浸
生日棲月浴歛然有聲薄暮雷電獨立冥壑揮而卷
之不盈一握大地山河塵翳所倚激激荒荒滅而復

起石忽爲土螺蚌上山瀕河雙柳風陵漫漫雖然自
今茲以泝而上止有此些子靈妙昧昧如芥嶽入其
裏窈窕如冬玄不遠此揆冊擘機淵深疏滯幽精胎
光密密相綴驅逐諸彭剖以慧刀蒙泉幼木峻茂清
溲魂芸魄白冲炤冥呼夜半何聞雨後冰初仰眺天
闊蕩蕩雲霞星漢炤地若光明砂利眼纖阿拓徑千
里蔽于委羽安知其底降望大壑沈寥竦峙杳杳默
默空中獨語仙澤汎鷁絕地而游江聲浩蕩瀟瀟是

浮反于山中餐嵐煮石鬼草是餉邯鄲是食沸沸丹
水飲之不愁蓮藕千房可睡臥不蠮螋枝屈幹寒花如
霰就中磊歷嘗得所戀閱清洞妙開彼玉版梧鼎而
炊仰笠而粲堅骨嵯峨超紅埃今携琴負劔閒坐茵
苔猿啼樹杪鶴放岑頂擊磬湘陰幽鳴可聽噫嘻浮
生如敲石火金鏤玉鑲俄栖霞驚霧流波冷冷清
清惟聞蟋蟀之嘯歌吾安能徧歷名山而問玄丘爛
浩耶石壁蒼霄上有老人持筠往來我將問之

在島中

大地皆島也沙洲窮遠人跡罕到嶽崎軋坳鬱確迴
連怪石林立利侔戈鋌潮汐侵之風煙裹之波濤奔
驟電透箭疾砢礧砰磕發其霹靂螭龍悲嘯赤甲顛
顛反斷义牙閃舌披鱗以栖以跳冥冥仄仄百靈秘
怪紛拏虺擊深洞湫忽其下不極爰有至人居此島
中天機清妙踔然獨處思羣巒芊綿覽粘天決滂愛
翫三山沂泗于簡潔之流心乃飛揚而浩蕩焉或曰

安期羨門在島中窈窕幽深與鶴皆飛或曰方子春
在島中然跂足頻眺但聞海水嗟嗟山林宵冥之聲
且夫風與日相伴過一島而島無距也無迎也空濛
迷離不甚區區也故瀨雲凝渚白月懸流春光縹緲
屢遷其景時見沙民漁父黃頭之郎隨波澹淡往來
而搖曳其至於是者如泛六韞游於醉鄉經幾晨夕
興致鬱然何數夫嚙喫枯園攬草木以誑口者乎且
淩波者僊蹈險者鬼天壤浮浮何足以擬龍子曰視

生如死視富如貧視人如我視我如人然則所謂至
人者何等也曰渠亦島中人耳島之上多石島之下
多洄瀆島之天一半在水星辰如濕島之側羣魅啼
立胡然忼慨悲歌落落而爲客嘗怙目霽心而望之
則有蠲爲龍者有翠羽爲虬者有珊瑚映水色淡紅
者有倚瑟清歌者有石林而開花爛然者如此之類
未能悉數且今海嶼中人往往多疎散超忽不拘繩
束豈安期諸子之風流猶存也哉

河棹

又嘗遙望滄滄其中有逸人焉
臯陶聲瘖林雍足蹇
不能造機汜多慮寧越多才不能逸
李斯篆刻留侯
借箸不能逸
飲飛伏劒菑丘入淵不能逸
維彼逸人
駕玉軼驂蒼虬前青蚪後白虵
蜺旌鼉鼓滴湟陸離
俯見羣兒渺然一蟻容與乎丹丘
裴回乎瑤池其所
需則璫珉之膏丹泉之粟扶桑之樵
長河之藻水桃
碧藕青精黃芽紅蘼甜雪風實雲子
玉津金液陰翳

翠羽斑麟紫麈以及鑊管雕鐘靜瑟羽磬按節清歌
紛芳幽緱都非人世以此乘桴輕漾于日光之旁可
使波水伏息鷺鶻不磔於空鵲鴉不啼於水遊魚數
萬輩皆嬉遊自得若空懸若避世客嗟乎妙哉苟非
其人則水虫夜號跋鼈驚恐是德之薄也夫衆生鼎
鬲真同露電踰龜殼繫鱗角掣龍伐蛟彈鳥扶馬以
是爲自快而已耳有能葺鱗銷聲氣服於內使骨節
堅強而黃野不患濕已爲世間希有之人况至人之

妙一至於是者耶嗟嗟鬱儀結璘挨通天蔽星爛露
清麗我賸瞞寒光潛燃灌蕩不滅綿歷劫灰一堆白
雪毳羣無數耕田種芝碧樹灌瓊若花初舒栖寄甚
妙恣厥所經弭節徑度翩翩冥冥竝立山阿徘徊思
多朝披一弓夕宿七娥過虞泉以前滌夫安知吾之
所踰

辟邪

人生于世無異草間蚋惟其不能冥然于澹澹之中
是以衆邪洄洄沄沄將媵其朋侶涵我也且撮我雪
氣曼倩云予嘗至朱陵扶桑蜃海以瞰塵界其如泥
耳是宜入之清波滿浣之浣之者無涓也夫無涓者
天下之至妙也故咽沆瀣宿嶽岑騎巖蔭花寒松浮
雪匪爲是堅瓠蓋有石于其性而不能以其幽潔者
同彼汶汶也于是乎與岱華握語與江漢携流捉劍

而步其光淋漓縱橫行將竄三苗于青島指禱祀于
邳山霎時間虫蛇伏鸞族翔尚安有攬亂荒中者乎
若夫眼茫茫思煎煎女子浣紵不作溪鰈乃與鬼同
穴冥冥怪物雖藏石中而食其外者雜然矣抑其始
厥有桴者如藤緣木迴旋不絕聖人知之蛻其所緣
使不相連如畫影壁幻想非真聖人知之根其所影
倏見滅沒如草旣薶猶有綴芳聖人知之剿其綴芳
以還其故且夫識浪滔滔蕩人心耳以是語道是舍

颿而蹶新波也呂梁之水懸流四十仞有一丈夫涉
而出或問子有道乎對曰在忠信當其矐志清神泊
然若山知此意者炎不焦淵不沉而風雨沙石又豈
能駭而驚之也且夫天與人以性而不能窒其慾也
抱樹枝自等癡羊入裸川自同虫豸間有稍思自脫
者竟不知道在何許僕纍滯壁間不可上下炊數斗
委項稿耳故邪正之分其幾甚微如葶蘆與菜也說
者曰人智不及草木草能指佞人則昧然靜木當疾

風震地而木不動人則搖然故曰不及草木然吾以
爲邪之去有數端其一絕其塗鑰其門而衆邪不得
入其一爆竹燃草明莖爲炬而衆邪皆辭去逃于戶
外

聽雨

我聞曰陰陽潛變則雨雨不待族空同之人嘗歎焉
故雨之侶曰雲雲之遊煙之步一白浩浩出沒皆際
其速也如鬼灑于空林淒淒瀏瀏如鑪中煎熬之聲
或曰雨升天上而乃降然則彼膚寸來會者豈自終
河裏逗耶夫綿濛蔽日其山多雨蟬躍則雨雨翔則
雨其不雨衆生枯然而川谷渴而蚌脯其雨而燥者
潤枯者苑素草貞萋暗泉之鬱於內者亦鑽地而出

其入於蕩蕩之汪則漾馳而已矣且川谷徑復峭激
如語而雨亦復砰砰然與山相響答立其傍者夢魂
驟冷蓋不啻坐蘆泚中聆清磬之疎揚也下至倮介
之虫莫不咸喜吁異也因思竹裏有扉蘆邊有碕桑
溪岸石逕煙路同坐聽雨聲滴滴丁丁這般情況
事後追憶猶歷歷能記之所不及記者雨滴之數耳
然觸緒牽情各有不同或聽之而喜或聽之而惹幾
樣愁今夫樹靜然而寐風雨攪之樹乃醒醒而啼不

止江花亦澌淚又有若鳥叫猿鳴向青林而流嘅者
物旣如此人獨何心彼寄言行雨珊珊惆悵恨不得
與遊者此情亦復何限若乃寒氣方新被池重濕岩
居之子半爐麩炭無以禦冬惟以雨聲當笙瑟差足
自娛耳

洞庭 山腹空虛

雲之高妙在空虛中故卷舒自如惟山亦然山空者
洞庭也今夫峻水紆壑嶽岑相屬巉巉冥冥雖老魅
亦至其半而顛矣然猶有津逮者緣崖捫樹而上見
其巖洞黝淡星辰挂焉惟山之腹其腹也洩雲栖煙
愴兮忘歸或砰稜而吒或絳雪而霏或松濤而自吟
或銀灣而逕落入其洞則見木者枝者石而骨者青
莎坐其腹玄猿淒異鳴其腹樹睨其腹或爲人立或

石又有懸泉溜其間泠泠不絕如聆梵唄林木蕭森
無冬夏其枝枝茂接東枝雲連西枝雲問其上誰家
者曰有客踐其上與雲羣遊杳然滅跡睇芳瞰遠所
戀烟嵐花樹耳而岑岫顛倒繽紛往來薜荔之騰蒼
松者亦拱而肅客若乃星明規外雪積霑間天澹雲
駛漂漂清絕是夕也妾宓妃妻雛女共泛乎清涼之
池又杳杳然使魚鳥嫁予終始無絕嘻佳哉豈元洞
天耶卽有浮舟隔洞聞作樂聲獐獍徒倚罕能至其

處也吾想洞外觀髣竹幾條瓜幾區青精紫芝聚雪
幾塋木客能詩者幾個其間穿木喫飯應不異外人
至如東方小兒隨塵而飄風百虫遠之魚鳧在湍山亦
馮虛而僊豈但峨嵋玉壘爲城郭者歟

館

胎卵濕化八萬四千種各有館
鵲館蒲娥館桑螵蛸
族甚繁骨節是館
蜂蜜館石隙蠶傍簷葺絲館
絲中唐蒙館樹枝葉作休
虫館其下蟻館白鳥翼熊館
石岩枯木中螻蛄館
垣魚館溪水風雨至則館
樹杪介虫館水背館
樹木可洲螭螭睫中有無量
虫館焉人亦有館
海中小兒館樹中枝又一小兒館
窠中不食亦不語
松館蛾媚梅館郁木栢館
肇山皇娥館窮桑之

浦務充長八寸館于淵且天地猶卵耳阿囷涵卵中
旅泊草亭下胡然花飛飄零館一丘也者真人知其
然廼擘草根餐落藥佃石壁而居其上有田數塍汲
水運土恁地安穩又時時呼木石爲友白足散髮從
風而行至于石巉如劒杪趾垂在外歷覽奇絕者館
焉若有於菟出睨則赤手而攻之於菟僵於業噫嘻
是豈與淺壑中魚瞰者等耶是以別風淮雨閭閻衝
衝而堅林不移蔚蔚然何至以館有淪山門而去若

乃海崖孤絕多奇人頑甲邪鮮時館其裔苟欲至其
處而無沙棠則海蕩雲駭險魄安栖乎然真人行逕
與世絕跡故其館也在溱洋之墟而奚爲可測或曰
人身中有玉洞繇玉洞而入雲氣奔走木葉青青有
蒼龍翱翔焉可以爲館但不知天地旣壞之後魚蛟
陸居此人物草樹將館何所其將如萍石浮水上不
耶禪笈云却來觀世間猶如夢中事且當趁今時冥
寄而吟無使器中館那虫而自相螫也

書籍

書籍之來久矣龜曆自開闢以來無或不記後來竹
竹相次如電憶虹沉冥之士從竹間與古人晤語若
會樹陰分手眷眷何者今昔同懷雖側寒斜雨猶撫
卷而徘徊其爲寄託豈晨夕而已哉若乃淺人空腹
自謂智也者散裂風雅問則口呿側而睨之細帙挂
壁間塵可數寸自以爲繙書必陷於鬼以故束度不
親嘻是何異習餘溜而驚河漢爲怪乎是勿論弗鼓

弗振頑如土塊卽令稍有養心與蜉蝣撼樹一般適
足爲古人冥笑耳抑有猜焉傳癖書淫用之則害若
厥黼黻而人是費况彼精精而昧確確而悔以是求
道如尋角馬又如聽蛤鳴蟪之無踪得銅鼓而已又
何以雜物算德也君子於此浩然幽以清疑義自析
奇文自賞如判木如析葱笋磨定墳索靈若畏友跋
履山川凝如清光雖至行間字裏魚飮虫穿又豈老
魅所敢託跡者耶女郎謂李生曰某生于龍宮好楚

詞苟離心而竄于辭句如種虛核不獲其芽蠹乃滋
甚吳王遊包山見一人名隱居入洞庭竊素書然識
者猶以爲大文不可舒其矧獵精渺藐者是猶厥腹
未孕遽欲渡河而溺席也或曰昔人學黃石師林間
皆四際光洞無疲無遮後世眡之都如隔壁甚而瞽
然睽天與糟檣杌然則古道將遂任其榛塞已乎曰
不也夫卷帙之中自有精神歡接往來雖欲絕之烏
得而絕之

辨

夫今之紘紘者曷故乎小兒步趾浸而學語始猶啞然久則闢如葉浮若焱故曰言無追如抑亦飛周書曰口生听口戕口口中銜石則不得語聽則不語寒虫臨砌或不語然欲使天之下而學聽學砌虫銜石于口勢又不可矣廟有石人其腹書云無少言無少事嗟乎慎之哉多言多事搖其蕩櫛怪魅啾然石潭之側嗟乎慎之哉好嗤彼東方生自稱辨略惠施編

爲物說所爲甚怪此二子者皆痒心難澹如鼃咳如
潦歲蝦蟆擗然而已矣况廼饒舌相喚似鼃逐蠅雖
族厥刺藤不可記後人必有厭其雜碎請從火者鬼
須曰沐者言悖凡今之哆然而赤白疑中者胥沐也
不則鸚鵡也不則石林中能言者也不則麻語葛枯
魚寄魴者也其恢恠幽怪鷗起糜滂雖有達人衆才
是腹亦莫能鑠其口枯其唇令艾艾期期焉是以山
中人不識有魚如木海上人不識有木如魚日光着

塵呼馬呼水獵獵不止彼此闕然勝則捋髭負則悶
悶卽復戰于野如霹靂之拘怒也傍人見其怪辨洵
湧穿雲裂月靡不恐悚徐而察之所說無急者僅足
爲憧憧兒弄唱耳且渠雖善辨寧能鳥蘋而魚木乎
故談之若瀏風行之若徙山則安能談之若漿漚汨
行之若嫁蒼舒何無情談之如坐在席行之如隔千
渡神冥冥而其人方且彳亍區內而自以爲適也不
亦悲乎但當聖老彌縫之彌縫之而不當以譚子墮

有書


地能言遂疥壁也嗚呼聖者其可復見乎果爾則蝶
獺焉敢嗅山鷓焉敢呼怪異焉敢嘖

幽尋

說者曰天迺一片石故石破而天逗是耶非耶盼庭
柯與碧翁對語霍然晏然陰陽蠹闢爛其流聲恍惚
衆妙匪駁匪冥噫嘻道豈去此哉夫攬衣倚天外高
星漢下江滄星有根芟漢有源滄流有源江亦然鮒
曰江源于岷從源而流如從核而芽隱蘆殊形故曰
德愔愔妙在幽畸人好冥絕媚媚此養養此宓義曰
神開我心子其未生未生時則幽矣幽意不斷斷不

絕月沕化水是中涵一界白噫嘻道豈去此哉當
思冰霜封閉泉石鬱枯巖下靜聽彼其穿之日夕不
歇也雖然猶懼其陷也陷則患結患結則大道四惘
惘乎迷厥腹彼且何能以馳走驛中乎如壤虫也日
頻行可以咫尺耳若夫智者役心于睫忖度鴻蒙所在
謀而洩之以搗其巢而李樹下兒亦涕下涕則必救
絕跡塞蹊得不陷焉噫嘻人浮此生如塵栖花鼈靈
麋竺同歸荒荒寧昧昧而靜乎將趾趾而驚乎瑤姬

蛻西施愁世間何處着精魄予嘗行八萬四千里過
神于邱邱集百靈其傍有億萬蟻螻聞雷語皆聞然
而滅是時惟寒江側孟婆戀響不去噫嘻將子之性
固如是耶至若佩交湘娥竹啼山鬼嵌崖老樹林塘
而自得白石生云天上多至尊奉事甚苦何如與雲
同坐石上且臥焉等到花發飲露嚼英液化而骨顧
乃肯受所苦至謫守天圖耶往謂漁父聽曲而來刺
舫而去其幽韵繚繞至今猶若聞琴音于波上者



同異

古今無不同亦無不異俯睇大荒物生有形或不寢
食風雨是謁或游清冷出入有光或煮羊脾忽而曙
或曙而不夜炤人髮頰頰彼斟溪十溢漏為百酒同
乎異乎巨蟻長尺餘魁倍之同乎異乎蚌之帆魚骨
之堂同乎異乎壁之影有與者有步者同乎異乎且
卽吾一軀之內螻蚋蟲出任其去來無復定處豈可
同哉帝王法以紀官太昊以龍石年以火有熊以雲

窮桑以爲前後互異如葵與莧昔者臣頡作字而天
雨粟鬼啾啾天胡然而喜鬼胡然而悲豈天之與鬼
其性固有如是之不同者耶人與物亦然故木石雖
奇不能向人鳥高魚深魔鬼脫驟是以有同而異者
有異而同者有同而同者有異而異者有同名而異
實者有同實而異名者葱嶺之西源水出焉其後乃
分而爲各派此同而異者也大樹之子百條共母此
異而同者也風穴深三十里雖曲折萬變而必返於

穴此同而同者也瓦不問石石不答瓦此異而異者
也葵與鳩皆名曰雛此同名而異實者也鴻一耳越
以爲鳧楚以爲紕江籬一也晉以爲藟齊以爲蒞此
同實而異名者也又有始同而終異者均是樹而少
名善哉長名瞿所嗟乎往者吾不及來者吾不聞而
世之趾趾而之吳越者日與夜不絕是以淳澆朴散
蠻觸皆起鏗磔萬彙是非荒荒狂夫劍客辨論而不
合則相捽于大陸如是猶且復以同之說與之譬鋸

偃槐斬其火出必不得已故蜩與蟪大小異有與此
高下異清濁聲異黔皙色異苦獲已齒與墨異然其
必同者雖有洮洮之辨亦安所詭之使異夫積雪不
消而成晶石雖雉上北坂亦石取北坂之石雜雪石
中離婁子能辨之歟嘗見岱與江漢爭王而堂間之
虫乃欲起而議其是非雖岱與江漢亦相視而粲矣
若乃渠略生縹緇栖中未知有朝夕泉下老蜩問以菽
粟詫爲荒奇一何異軫轉言不可盡嗟甚哉諸虫之難

悟也雖然天地者人之與虫羣而處焉者也薜戶之
士媿媿姝姝日以沫泗之水類其鬚髭問以大道窈
若計夢也矧其外道謬哉墨子曰百國百春秋是等
孔子於諸子也夫古者至人有喙若鳥者非鳥也有
貌若蒙供者非蒙供也今等至人於鳥蒙供可乎於
是而有人焉忘其機分其跡寄愁天外獨弦而歌下
聽霹靂如嬰兒聲則世羣然而嗤其踈踈而不已復
名之曰怪上之以陪乎卿相下之以陪乎村院乞兒

嗟乎同異之際將安所折衷乎聞之接子曰其神凝
使物不疵癘而年穀熟

山

嘗聞樵隱俱在山深林窅窅涼而靚深枝蔓峰壑劃
蒼槩日藻巢已危虎跡亦荒其間有幽人焉憇寂寞
悅竄窳欲窮其山及于崖谷險絕靈怪聚焉行者仄
徑連紆懸索而度若空游因想生此山時作何脰胎
皆宕渺莫能論若夫聽妙香敲石韻坐蟲響之衷歌
聲上下與巘中木葉相應於是或脰或注踈引密奏
揄以和之怡然自樂時或猿可子而鳥可花倩草木

爲主客木扶胥草扶渠木高聳草遊縱我行其間亦
可以少舒其中磊磊者曰猶未也我將問桃津于漁
父攀杜若于湘娥乃說者曰煙蘿鬱冥戾蟲之穴君
其歸來兮嘻采山之人則長在山耳昔人戀妙山與
雲頽頽嘗自栖於巖之顛倚木於樹箬覆其上以爲
居焉譬如喜古器人斷紋埋銅或穿或剝其絕奇者
不遠數千里而求之雖然世人熟路相引不暇入山
當有怪水峭壁玄石異卉長爲鬱堙而不得洩其異

于騷人逸客之踪者豈渡口宜寂寂如是耶夫洞庭
有逸冊春山有枝英苟能真心放懷渺然獨往便可
以澆赤蟲而游于若山之波乃人自不肯往何也且
夫山亦有盛衰焉盛世山無禿其鬱茂茂芳蒼之樹
無沐枝是故一樹焉而羣鳥啜其上行人于于休息
其下後人創物日多斷岸抉壑密如鱗劉安所云興
輶踰嶺行數千百里夾以茂林叢竹者今皆爲煙火
矣而人之居於是者又非有如騷人逸客能以點綴

山川之光景也不過翬氏柞氏逐肉捽草踟呼往來者耳是以泉石淒怨麟鶴蕭索幽者不幽深者不深傳曰深不絕涓泉稚子浴其淵高不絕丘陵跛屨遊其顛吾代爲山計則莫如巉絕千尋杳杳到天使異曰逐肉捽草者曾不得往來而蹴踏焉然終無以洩其異于騷人逸客之踪而幽人之愁寂寞悅寧寐者亦何以釋其愁也噫嘻山亦聽之而已矣

荷蓀

清溪寒石中有荷蓀者踈踈然倚鶴而言曰岫嶁碑
猶未斷也汲塚書猶可識也鼎出河雒流光焰人皆
有精魄往來況乃森森綠樹瓦石黯然遊其間者莫
不歛衽而相對噫鬼驪弇茲去人不遠矧其近者乎
仲尼晝日諷誦夜親見文周而問之空濛歷落中時
聆琴之語且道必有所起古之樂風始于長琴荆釵
起于女媧劒術傳于白猿陳音云琴生于考考生于

彈彈起于古之孝子其歌曰斷竹續竹飛土逐矢故
聖人之於物也理沈山澤驅辜百物上自玉札丹砂
赤箭青芝下至焚鞠沉樺之屬靡不盡其經畫而且
上下四旁而索之天圍南北二億三萬三千五百里
七十五步東西短減四步渴虹睨日擲持其間君子
省其山觀其流泉激激默默有正者懸者穴者汧者
以是爲道之所起也若乃靈液所產則有玉饋之酒
鮫人之綃舒姑之泉歲蕤之草七尺之棗三珠之樹

些山之竹剡溪之藤沙棠之實石林之花億千億異
安知其數雖然自姚姒以後天下漸汨汨多故矣金
者爲兵蒲者爲幹方乃蹙急民氣忙亂士馬之燐前
後光野草蒼生視如落葉是豈昔者聖人之過與嘗
試倚蒼梧而長吟臨瀟湘而浩歌遙望終古能不悵
然嗟乎海老而水渴山愁而樹枯蟲尸一股而萬螳
以爭時有適然不可得而攄也或曰半石山草服者
不寢或曰東甌王敬鬼壽最多或曰鵠國男女長七


寸壽三百嗟乎人不見風魚不見水潛龍以秋日爲
夜高鳥倦飛次丹碧之蜃樓悲而入海天下事安得
以情量測之哉故曰天不可與慮道不可與謀桓山
之塚滅者幾何首陽之石存者幾何西北海外有鳥
焉骨肉遺灰變成一蟲蟲又化爲鳥然則造物者豈
以是遊心於無垠者乎語竟荷篠者隨鋤鶴向田

養生篇

我與天地共俱生與石上菖蒲同居與樹上蒼猿同
吟與花上遊蜂同食與天外獨鶴共飛又有橘下老
髮日來接對氣骨幽涼且善養生者上不見光下不
見土惟鍊魄是務是以殼甚堅抱不壞神甚潔撓不
濁蘇子賦泉曰汲者未動夜氣方歸微乎微乎冬心
綿渺以此爲其妙雖然自生人之驅光而途與天漸
遠矣啁哳呱咽甚而益于雷霆如雲逐蜺又何怪未

潛鱗石裏碎之則悲者乎每歎魚鼈獸腊野鳥沙鳴
彼惟全生無奇故未能逐僊隱也抑數耶鶴升深澤
蝦肆大海萍藻託清流恐身不全而人之騎屋視危
者曾相與蹶躅而不悟則不乃智不及鶴蝦萍藻歟
噫嘻異哉我觀務光跋水徒狄踣河正先受戮介子
立枯此數子者非所以養生也善養生者必瀟然置
其身於山石草木之間甜溪味如蜜洄溪溪在四山
中松膏所漬飲者多壽自來幽遠之士翛然投跡自

得山志時而掘草烹煙潤其魂庭時而彈絲編曲命
飛蟲和聲深深兮幽幽兮終不欲處于枕上以爲高
人嗤是以許繇娛於潁陽接輿耕於方城蒙穀逃於
蒙山子真脩道於洪崖數子皆韜精埋焰不厭深渺
者也



樵

山崦深邃其人多古色樵者之在山也遊條翔林徑
然無所罍嘗聚猿鳥爲侶赤脚行行值石樹陵臨囓
人趾踵猶不休曰吾將以傲襪于是薜蘿以當衣香
花以當飯鳥聲松響和而相飲又何知世之持璧塗
乞纓結埃者乎夫昧幾日多惟靜者識其微昔有樵
者入一穴見有人問之云是秦時人廼知花源處處
有之特以時世蹭蹬不復得近而樵夫野人偏得闖

其域奇哉且性如動蟄好立險故陰壁蒼黑惟雲能
宿樵者尋微路從此入閒步而陟之側有水叱樵者
樵者不畏忽遇雲于徑頃之雲與煙相趣跌于壑中
樵者乃携雲出壑約與同行遂度天地至一壁之裏
壁上僦石石間僦樹樹刺天數仞迺肯枝或有枯者
樵者望枯枝而上如接狄臂每踏一枝枝濶僅十許
從下視者甚危之而樵者處其杪如鳥旋枝只自怡
耳若乃雨夕霜晨樹滑不可趾則從樹下打柴或因

柴僵落稍稍拾之并霧跡作一擔何者彼視山如屋
妻卽數根柴便是吾家事夫胡必如張弘向溟濤而
漁乎漁以網吾網吾者樂歌也是歌所被萬魚咸悉
嗟乎穴氏攻螫冀氏攻猛皆多其機惟樵者寄身于
崖岫心眼升降嘗與樹相守或曰樵安能忘機也嘗
見有棱棱葉葉青且闌一遇樵子踣其上咸枯而脫
卽幽松欵冬飽盡雪霜而獨不能不畏樵者之斧聲
噫嘻樵安能忘機也忘機者宜學于草木草木吾師

也樵者採草木爲一堆柴以之煮石三年不爛然以
視夫栩栩然顛冥者隔去千里矣故山澹其光川溜其
聲樵者蔭樹下拍手逍遙不羨霞舉因而樵侶筋骨
逸羣過煙樹而語

耕野

都廣之野冬夏播琴事甚奇其他處非可冬耕也然
曷嘗不耕或不穀者則濕潤也石也相斫腥也若夫
不食穀者曾記否曰繳父隨煙而行不食穀嘻人非
陶皮奚能泮而不食且神倦之所以辟穀者以其有
玉漿石髓也猶且呼龍畊煙况人乎古俗地富山芳
摩蜃而耨後世制益詳道其地愚辨其墳衍遶隰下
至梢溝渴澤皆眡之故繇春氣動草怒芽卽脩鉋鐸

而田中渠欲無絕水水欲無淫淫剝我塍則是以墜
樂蓋耕者倣于古老一者以爲濬也一者以爲防也
爰布之穀穀以外栽蹲鴟其窪處姪隅種之暇時網
魚罾芋以佐饋糜其歡其俟時而刈又無爲蚍鼠費
刈後數日有稍青者老農曰此稻孫也嗚呼稻亦有
孫竹亦有裔風入其節露上其根許裏是升降妙理
澗底幽松凝膏千年照亦如是至人學之得長生焉
豈但木癭而石鼓足以撰入奇懷而已哉忽有歎者

曰唐姚時耕者食此淳傲然自足今爬沙蹶土揀擇粟麥歲收不滿數簍而又有追呼之苦悲哉遲思武陵桃花源未必皆神僊所樂者無租稅耳曩令穀視于土芸芸黎蒸以粢以潔安所得荼苦乎且穀之命繫於天天乾則稻如焚天潦則稻臥水稂花飛入焉夫耕者在謹其時耳或曰伊摯在莘郊耕且讀書

